

GALATIA BATII

Kukū Ko Di Paulo Lakpana Aata Ni Galatia Batii

¹ Ami, Paulo, wɔ ninle ni tɔkyɛntɛ nfū kuukū ko mmle lekye. Diele otii kuonwii niediki mi ale nle tɔkyɛntɛ, ee otii owo suoto diefe. Kafɔɔ diefe ni di Yesu Kristo suoto ku Teete Yaa wɔ niatakatesa Yesu aakyeko ni bakpi kame oso nle tɔkyɛntɛ. ² Munko babiloo ba bamuu ninkpe ni ninfū buɔsɛesa aye ba ninle ni Yaa bafūbanutɛ akudi ya ninkpe ni di Galatia.

³ Teete Yaa ku Saate loo Yesu Kristo bale ye sibuale, baata ye atoko ɔkye ole.

⁴ Yesu Kristo niayɔ suoto nɔɔ aata siikpile loo disi, ale aadiki wo ankyeko miɛ kayi kpile ka mmle ablasaa kame. Nni ninle Yaa loo, Teewo dibiesaa nɛ. ⁵ Yaa lele ninle katansa, diɛyɔ ni kaanunua diesifi ni dinaa ni kaloo! Diwa kaanya.

Yaa ɔlaa Biene Onwii Wɔ Lete Ninkpe Nii.

⁶ Diɛbla mi ɔkpɛ osie kanya ale kanunua ka mmle kose, nfe biokple nkpaamaa di Kristo wɔ oso di Yaa lelesɛ ye ni siibualɛ kame, biɛkyɛ bitikanko ɔlaa biene bamba. ⁷ Nwaako, ɔlaa biene kuonwii nsinaa fie, kafɔɔ batii bawo ninsi bɔɔlalaasa ye atoko, ale boomunikiisa Kristo ɔlaa biene nwu nkpo mambla ɔbamba. ⁸ Kafɔɔ bia nse awo ee Yaa tɔkyɛntɛ lekye osi εɛwɛ, εɛbabuɛ ɔlaa biene owo niekyi ni lete di nwɔ butooyie ni lɛkya buɔta ye ni kofokofoko, ni

Yaa akpee nwɔ di ɔtɔ wɔ nikɔfie ni kunaa ni kaloo kame. ⁹ Butooyile katũ buobue, nwu kafɔɔ kokple mbue nɛ. Nlɛ nse otii owo leyie ɔlaa biene bamba owo niekyi ni lete lɛkya εεta ye di nwɔ bitoofū ni kofokofoko, ni Yaa aakpee nwɔ di ɔtɔ wɔ nikɔfie ni kunaa ni kaloo kame.

¹⁰ Ni kanunua ɔlaa wɔ kobue nii kasɔ kutuo ale, omie komie nle ɔsaabla nii kubuo batii anu εε, see Yaa anu? Omie komie nle mbuo batii anu? Nse okple kokple mmie nle ɔsaabla nii kubuo batii anu, ni see ninsinle Kristo kpɛmblate.

Yaa Ladiki Paulo Ale Abla Nwɔ Tɔkyɛntɛ.

¹¹ Babiloo, komie nle nta ye bitofo nwaa nle, ɔlaa biene nwu lɛkya layie bianu nii yi, diele batii nfū kuɔtaa kuokye. ¹² Diele otii kuonwii nfū lafū nwu lakyeko, ee otii owo kafɔɔ niatuo mi. Kafɔɔ Yesu Kristo omu niadiki nwu aatuo mi.

¹³ Bitoonu mmle okle lasie ni nkpa diebafe nii, fele Yuda otii omu omu. Bitoonu mmle latikanko ni Yaa bafūbanute osie kanya, lakpee okyiini osie kanya nle kɔwɔcsa ma nii. ¹⁴ Laseesa anu nwaa di bawa loo ɔsaabla suoto, diata ale lale akyɛnwo nii kpinwu katũ di Yuda batii bamu ɔsaabla kame di okpoo loo. ¹⁵⁻¹⁶ Kafɔɔ Yaa lale mi sibuale aakyeko bia yaami kafutu kame, Aadiki mi aata ɔkpɛ nɔɔ ɔbla. Di obe wɔ niakaatɛɛko nwɔ nii, Aadiki Obi nɔɔ aatuo mi ale naayie ɔlaa biene nwu niekye ni suoto nɔɔ lɛkya di batii ba ninanle ni Yuda batii kame. Diawa ni nkpo, ntakyɛ otii kuonwii nfū nle atuo mi osuku wɔ kafe nii. ¹⁷ Ntakyɛ Yerusalem naanya batii ba ninle mi ni katũ fele Yaa batɔkyɛntɛ. Kafɔɔ

nfanwu lasifi Arabia. Nni kamaa lakple lasifi Damasko.

¹⁸ Alees atie semaa fie lakple lakyε Yerusalem nle kɔlaanya Petro. Lasie di ɔkyε nɔɔ lefosi ayi anɔɔ. ¹⁹ Ntanya tɔkyεntε bamba kuonwii, dilen-kee Yakobo wɔ ninle ni Saate obilema suotɔbi.

²⁰ Nwaako, ɔlaa wɔ lɛkpana lεta ye nii kute nkpo, Yaa omu n-ye ale diele selaa sile.

²¹ Nni kamaa, lakyε aba aba di Siria ku Kilikia. ²² Obe nwu kamε, Kristo bafūbanutε ba ninkpe ni di Yudea kasɔ diinyεe diidii. ²³ Onu ko boonu batii kobue ale, “Otii wɔ niatootikanko wo ni ale see ɔɔwɔcsa wo nii, kanunua ofu onu nwu lεkya nfε ooyie ne.” ²⁴ Nkpo oso nfε bɔɔtansa Yaa ta ami oso.

2

Batɔkyεntε Bamba Lafū Paulo Kaame Lεma.

¹ Lefosi alees ana sεmaa, munko Barnaba buakple buakyε Yerusalem. Lakpaa kafɔɔ Tito.

² Lakyε nfa diekye Yaa niadiki aatuwo mi ale nkyε. Ami ku bafūbanutε banɔɔfotii lakpee asi baawo di ɔlɔɔkɔ, ladiki ɔlaa biene nwu lεkya koyie nta ni batii ba ninanle ni Yuda batii latɔkɔ ma. Labla nkpo, diekye noomie nle ɔkpε nii wɔ kɔbla ni kofokofoko diebase ni kanunua kubla kasakasa. ³ Kunte Tito wɔ nintikankoe ni Hela otii ale, otii kuonwii ditabue ale kεkεεkε abudi lessɔkɔsɔkɔ. ⁴ Kafɔɔ balatae bafūbanutε bawo lafe kaakyɔnkyε osuku baasie wo kaame batoomie osuku wɔ baafe manlalaasa ni suoto osiεko wɔ di Kristo Yesu lεta wo nii, nimata ale munkple ni balanle. ⁵ Kafɔɔ di nwaako ɔlaa di

ɔlaa biene nwu nle nii, buomie bulə kuwə ye ni kaame oso, butatuna buata ma saa.

⁶ Kafɔɔ batii ba konyu nle bale ni banɔɔfo ditatee disibu fole kuninwii baakyakaa. Kunte bale banɔɔfo yi, ami nin-yɔ nwu ole, diekye Yaa ninyu kuonwii di anu fie ankanko nwɔ. Kobue nle, banɔɔfotii nwu ditatee disibu kuninwii. ⁷ Kafɔɔ baanya baate nsū ale ɔkpe wɔ di Yaa latee ni ninle ale mbue ɔlaa biene nwu nta batii ba ninanle ni Yuda batii, fe mmle aayɔ aakpee ni di Petro nnɛɛ, ale abue ni ɔlaa biene nwu ata ni batii ba ninle ni Yuda batii. ⁸ Diekye Yaa osie niabla mi tɔkyɛntε di batii ba ninanle ni Yuda batii nfū, fe mmle aabla ni Petro tɔkyɛntε, aakpee nwɔ ni Yuda batii nfū. ⁹ Yakobo ku Petro ku Yohane, baatii lanyu ale bale ni batunletε bɛɛta ni bafūbanute dikudi nwu, lanya ale Yaa lele mi sibualə nwaa εɛtεɛ ɔkpe finle ale mbla, nioso baakpee ami ku Barnaba kɔnɛɛ, diatuo ale beefū wo ni atuu ale banwii bule nɛ. Baatika difuɔ ale awo bukye batii ba ninanle ni Yuda batii nfū, ni mma kafɔɔ babakyɛ mba ninle ni Yuda batii nfū. ¹⁰ Nle baatɔkɔ wo ale butɔɔbla ni ninle ale, bunyuma buotoonyu bapiite ba ninsi ni kaame lema. Nni kafɔɔ niale mi disi ditikasaa nle mabla nɛ.

Paulo LANAANFIKO PETRO ɔlaa Di Antiochia.

¹¹ Di obe wɔ di Petro lawa ni Antiochia, lanaanfi ko nwɔ ɔlaa anu kuanu, diekye aabla lesaa le nitasiɛko nii. ¹² Diekye fie di batii ba di Yakobo lakpee ni kɔtɔ labadu ni nfa, Petro ku batii ba ninanle ni Yuda batii latoole alesaa. Kafɔɔ di obe wɔ di batii ba mmle lawa nii, aakpukutisa

suoto kaame lema, atasimmie ale oole ko ma alesaa, diekye aatɔɔyεke batii ba niale dikpe ni beebugi ni asɔkɔsɔkɔ. ¹³ Batii bamba bawo di Yuda batii kame kafɔɔ latikanko selaa kuafunu nɔɔ nwu nkpaamaa, diata ale bia Barnaba omu kafɔɔ labla selaa kuafunu ɔkpε wɔ mmle ku mma.

¹⁴ Kafɔɔ di obe wɔ lanya nle ɔsaabla lema nwu diekye ni di osuku tinini suoto, fεle mmle di ɔlaa biene nwu nte nii, latɔkɔ Petro di bamuu lema anu nle, “Nse fe afɔ, Yuda otii, feesie nkpa fεle otii wɔ ninanle ni Yuda otii, ni obe oso foonyinka batii ba ninanle ni Yuda batii fale basie nkpa fe Yuda batii okle?”

Ofū Onu Niefū Yuda Batii Ku Mba Ninanle Ni Yuda Batii Nkpa.

¹⁵ Nwaako, Yuda batii bule bia kaalofokɔ, nioso diele fe batii ba ninanle ni Yuda batii okle buɔleɔni bakpileblate. ¹⁶ Awo bamu buye bule Yaa nlolaa manko otii ntεε, diefe ni di ofū onu wɔ akpe ni di Yesu Kristo kame. Diele ale oole ni kufiofa oso. Nkpo oso awo kafɔɔ buofū Kristo Yesu buonu, ale buate tinini di Yaa anu, di ofū onu loo wɔ ninkpe wo ni di Kristo kame nε. Kafɔɔ diele fe mmle buole ni kufiofa nwu oso di Yaa kobu wo fe batii tinini. Diekye kuonwii diete tinini di anu nɔɔ ta eele ni kufiofa nwu oso.

¹⁷ Ni nse buokpee okyiini bulε buate tinini di Yaa anu ku onwii ɔbla ku Kristo, kamaa diedie wo kayi ale awoo buɔbla okpile, ni otuo diotuo ale Kristo kafɔɔ letuna di sikpile ɔbla suoto? Oowo! ¹⁸ Nse loo ləlalaasa kufiofa, lekple lεkyako kū ololaa, ni nfε dietuo ale ami omu ntɔɔtaka n-yε kuufiofa nwu suoto nε. ¹⁹ Di kufiofa nwu

kanya, ni kpi nfe nle ta mmle kasiε ni nkpa nta ni Yaa. ²⁰ Ami ku Kristo baakaasa koowoso suoto. Nioso kanunua, diesinle ami omu ninsi nkpa, kafɔɔ Kristo nfe ninsi kaame nii. Nkpa be nfe nsi ni kanunua yi, Yaa Obi wɔ nimboobɔ mi nii oso nfe nsi mi, diekye aayo suoto nɔɔ aata ole diisi nii. ²¹ Ninsī mmle di Yaa lele ni batii sibuale. Diekye nse Yaa lebla otii tinini ta ale eele ni kufiofa oso, ni kasɔ kotuo ale Kristo kukpi lebla kasakasa.

3

Yaa Ofū Onu Ninwuna Le Eεta Ye Nii.

¹ Aye Galatia batii ba mmle ninaanu ni selaa nṣɔ! Owe niemunikīisa ye disibu? Diekye anu lee amu ladiki latuo ye mmle baakaasa ni Yesu Kristo koowoso suoto aakpi nii! ² Bitεε nkaalε ye ɔlaa wɔ mmle. Kufiofa nwu ole niata ye biefū Yaa Ninwuna nwu εε, sεε ɔlaa biene nwu bianu ni biafū nwu bianu ni oso? ³ Obe oso biøbla abisɔnsaa nkpo? Di Yaa Ninwuna osie biayɔ biakye ni nkpa lee kasɔ, ni kanunua aye bamu osie nfe biomie bile biyente? ⁴ Ni kasakasa bianya dibuo nwu nimuu? Oowo, diekaatε nimbla kasakasa! ⁵ Kɔkaalε ye nii, kufiofa nwu ole niεta ale Yaa lεta ye Ninwuna nwu nikɔbla ni sekpe se niebla ni ɔkpε kaame lee εε, sεε mmle bianu ni ɔlaa biene nwu, biafū nwu biale ni oso?

⁶ Bibu Abraham binyu. Kɔkpana Klekle Kukū lebue ale, “Abraham lafū Yaa aanu, nioso aabla nwɔ otii tinini di anu nɔɔ.” ⁷ Nioso bitofo bile batii ba di ofū onu nkpe nii, Abraham babi bale. ⁸ Di Kɔkpana Klekle Kukū kamε beebeeue ale,

Yaa mabla batii ba ninanle ni Yuda batii mate tinini di anu nɔɔ ta ofū onu lema oso. Nioso aatɔkɔ Abraham ɔlaa biene nwu aate kofokofoko ale, "Makusekusesa batii bamuu kaayi diefe ni di suoto lefɔ." ⁹ Nioso batii ba di ofū onu nkpe nii, Yaa lekusekusesa bamuu lema fe mmle aakusekusesa ni Abraham wɔ niawɛ ni ofū onu.

¹⁰ Lekpaani matikanko batii ba bamuu niεyɔ anu lema beetika ni kuufiofa suoto. Diekye Kɔkpana Klekle Kukũ lebuɛ ale, "Otii lele ni-nankye di selaa se semuu bɛɛkpana ni Kuufiofa Kukũ kame kanya, lekpaani matikanko nwɔ."

¹¹ Nwaako, kame lekpa ale Yaa nimbla otii kuonwii tinini ta ale eele ni kufiofa oso. Diekye Kɔkpana Klekle Kukũ lebuɛ ale, "Otii ofū onu di Yaa nnya ambla nwɔ tinini antɔɔ nkpa." ¹² Kafɔɔ kufiofa dieyɔ nwu ole di ofū onu kame. Diekye Kɔkpana Klekle Kukũ lebuɛ ale, "Otii lele niele kufiofa nwu nkpo kumuu fe mmle kute ni kanya, abawɛ nkpa."

¹³ Kafɔɔ di Kristo lakple ni lekpaani diisi loo oso, eediki wo eekyeko kufiofa nwu lekpaani kame. Diekye bɛɛkpana di Kɔkpana Klekle Kukũ kame ale, "Otii lele bɛɛkaasa koowoso suoto nsi di Yaa lekpaani kalɔ." ¹⁴ Nioso Kristo labla nle mmle, ta baatii ba ninanle ni Yuda batii kawɛ ni dikusekuse le di Yaa labue aate ni ale, abata ni Abraham diefe ni di Kristo Yesu suoto. Nioso diefe ni di ofū onu kame, awoo buafū Ninwuna nwu di Yaa lebuɛ εετε ale buawɛ nii.

*Kufiofa Lekyi Lete Ku Yaa ɔlaa Wɔ Eebue εετε
Ni Suoto.*

¹⁵ Babiloo, komie nle nta ye ɔtɛ onyu di dii biala nkpa be busi ni kame. Aye bamu biye

bile nse batii banyo lebla kanya kanwii bεεkpana kukū di ɔlaa owo suoto bεεtε, kuonwii lεma nsinaa osuku ankpana lesaa bamba ankyakaa ee andiki lesaa lewo kaamε. ¹⁶ Nwaako, Yaa labue ɔlaa aate aata Abraham ku obi nɔɔ. Kókpana Klekle Kukū diebue ale babi nɔɔ, kaasɔ kotuo ni ale batii kpинwu nii, kafɔɔ kuobue ale obi nɔɔ, ni dietuo ale otii onwii lete balaka nε. Otii nwu ninle Kristo nε. ¹⁷ ɔlaa wɔ kobue ni ninle ale Yaa lanii kanya ku Abraham aleε alafa ana aleε afosi atie aalesa katū fie aata Mose kufiofa. Nioso kufiofa nwu dilabafuo Yaa kanya ninii nwu ɔlalaasa. ¹⁸ Ni nse Yaa lekyesaa le mmle kuufiofa kame ninkyε, ni diesinle kanya onii ɔlaa kule. Kafɔɔ diele nkpo kute, diekye sibuale di Yaa omu lale ni Abraham oso aabue ɔlaa nwu aate nε.

¹⁹ Ni kanunua, obe oso di kufiofa nwu nkpe? ɔwa kuufiofa nwu lewa ale kuakyakaako wo, mmle okle buanya ni okpile munte ni nsū. Kuawε kualaase di obe wɔ di Abraham obi nwu ɔlaa di Yaa labue aate ni lawa nii. Yaa batɔkyεntε niayɔ kufiofa nwu baawako diefe di otii wɔ ninlolaa ni Yaa ku batii ntεε suoto. ²⁰ Kafɔɔ otii wɔ ninlolaa ni baatii ntεε diefī ata otii onwii lete. Kafɔɔ Yaa nnwɔɔ, onwii ko ale.

Kufiofa Ninta Wo Munnya Kristo.

²¹ Ni otuo diotuo ale kufiofa nwu nkpo lεtaka kuyε di Yaa kanya ninii suoto? Oowo. Diekye nse otii owo lefū kufiofa ko ninfū ni nkpa, ni Yaa mata otii biala nte tinini di obe wɔ eekyɔɔ nwu ni atoko. ²² Kafɔɔ Kókpana Klekle Kukū lebuε ale, kayi ka kamuu batii lekple sikpile bablate. Nioso bafubanute ninle mba di Yaa mata lekyesaa le

aabue aate ale abata ni batii ba niefū Yesu Kristo beenu nii.

²³ Kafco fie di ofū onu nwu mawa nii, kufiofa nwu ntcoosee wo kuokpee leeyo fe leyo batente, dialaase di obe wɔ babadiki ni ofū onu nwu kayi. ²⁴ Nioso kufiofa nwu niatootuo wo osuku dialaase di obe wɔ di Kristo lawa nii, ta mmle di Yaa kabla wo ni batii tinini di anu nɔɔ diefe ni di Kristo ofū onu nwu kame oso. ²⁵ Kanunua di ofū onu nwu ntcoowa nii, diesinle kufiofa nwu nfε ni ko kple kuntuo wo osuku.

²⁶ Ta ofū onu wɔ bikpe ni di Kristo Yesu kame oso baamuu lee bile Yaa babi ne. ²⁷ Diekye aye ba bamuu niafū ni Yaa ntu okpeesa nwu di Kristo onwii ɔbla kame, biεyɔ Kristo biekpee fe awu. ²⁸ Nioso kase kukanwii diesinsi di Yuda batii ku Hela batii ntεε, ee ɔlanle ku otii wɔ nisiko ni suoto ntεε, ee osuɔtɔ ku ɔsanko ntεε. Diekye bamuu lee bitcoɔbla onwii di Kristo Yesu kame. ²⁹ Nioso nse Kristo bale bile, ni Abraham babi bile, ni asaa balete bile di ɔlaa wɔ di Yaa labue aate ni kanya.

4

¹ Kafco nunua ɔlaa wɔ kobue ni ninle ale, nse obisɔ owo nnle atesaa, di obe wɔ ale ni obisɔ oso, nu di atesaa nwu nkpo amuu nle nwɔ ale yi, di obisɔ ale ni oso, nkponwu ate fe ɔlanle ne.

² Obe wɔ di obisɔ nwu diimuc nii, batii bawo nintoonyu nwɔ ku asaa nɔɔ nwu disi, ninaase di obe wɔ di ote lεtε ale baayɔ asaa nwu mankpee nwɔ ni ninnεε lewo. ³ Nkpo nwu di awo kafco obe wɔ buale ni babisɔ, buale balanle buasie di kayi anwuna ablasaa kame ne. ⁴ Kafco di obe wɔ di Yaa late ni lawo nii, aakyese Obi nɔɔ

omu. Ṣsanko nialofo nwɔ aasisε di Yuda batii kufiofa kalɔ. ⁵ Nnwɔɔ aakyeseε ale abadiki wo di kufiofa ko kalɔ busi nii, aayɔ wo aabla Yaa omu babi. ⁶ Ta mmle bile ni Yaa babi oso, ni aakyeseε Obi nɔɔ Ninwuna ale dibasisε wo siitu kamε nɛ. Ninwuna le ninfaa nimbuε ale, "Abba," kasɔ ninle ale Teete nii. ⁷ Nioso, faasinle olanle kafɔɔ obi nfɛ fale. Di obi nfɛ fale ni oso, Yaa mata fɔ asaa ya amuu akpe ata ni babi nɔɔ.

Diahaa Paulo Di Galatia Batii Suoto.

⁸ Saa yi, bitatofo Yaa, nioso biale balanle biata asaa bamba ya nintale ni Yaa nwaa. ⁹ Kafɔɔ kanunua nfɛ biye ni Yaa, ee kabue nle Yaa nfɛ n-ye nii, be oso biomie bile biokple minsifi anwuna nwu kpiεkpriε ku sεnuyaami nkpo nfū? Obe oso biokple mimie bile biokple nya balanle? ¹⁰ Biediki ayi awo ku awεntε awo, obe owo ku aleε awo biεtε bieta suoto lee bile biatoole. ¹¹ Leyεkε kɔpε mi ninta ye. Diekye dite mi fe ɔkpε nii wɔ omuu lεbla ni kaamε lee lεbla kasakasa.

¹² Babiloo, kotikiti ye lekoto nle bite fe ami. Diekye ami omu ote nte fe aye okle. Kuonwii lee diebla mi okpile kuonwii. ¹³ Aye bamu bionyuma bilε, suoto ditawε mi ni osie oso labayie olaa biene nwu lεkya lata ye lεkasale. ¹⁴ Bia kuntε suoto ditawε mi osie diibuo latika ye di suoto yi, bitasī ee bianyu mi nyakatāa. Kafɔɔ biafū mi fe mmle biaafū ni Yaa tɔkyentε, biafū mi fe mmle biaafū ni Kristo Yesu. ¹⁵ Suoto latɔɔyɔɔ ye! Ni be nfɛ nikɔwa nunua? Ami omu nii lanya nle, nwaako di obe nwu kamε nse loo ole ninlε see bia biadiki anumbi lee kaamε biatεε. ¹⁶ Nioso

ntookple lo l̄eta ye, ta l̄et̄k̄o ye ni nwaako ɔlaa nwu oso?

¹⁷ Kakyc̄nkyo osuku di batii ba nikɔbla fe bεeyo nwu ni ole di suoto lee nkye. Disibu l̄ema ninle ale bɔɔblasa ye di suoto nii, minkple bale ma min-yo anu lee mintika di suoto l̄ema. ¹⁸ Dilε ale baayo nwu ole di suoto lee nse disibu biene bakle. Dikaate ale biesεesa anu lee di assaa biene ɔbla suoto obe lele. Ni diele ale nse nkpe di ɔkye lee lete fie biaabla nkpo. ¹⁹ Babi nii bɔmbɔle, konu dibuo fe ɔsanko wɔ lεemε konu nii, ninaase di obe wɔ di Kristo letembi nwu mabuo ni baamuu lee kame. ²⁰ Nse ale ɔkye lee lekple nkpe kanunua yi, see ntɔbawakosa selo nii kasɔ, diekye diebla mi disibu osie kanya ta aye oso.

Paulo Lata ɔtε Onyu Di Hagar Ku Sara Suoto.

²¹ Aye ba nikomie bile kufiofa kalɔ biosie nii, biteε nkaale ye ɔlaa wɔ mmle. Bienu kufiofa nwu nkpo kasɔ nwaa? ²² Diekye kufiofa lebuε ale basuɔtɔbi banyo niawε Abraham. ɔkasale ɔlanle ɔsanko obi aale, ɔnyɔɔfa kafɔɔ ɔsanko wɔ baakaale baatɔɔ ni kaafaabi kame obi aale. ²³ Obi wɔ di ɔlanle sanko lalofo nii, aalofo nwɔ fe mmle di ɔsanko ku osuɔtɔ nlofo ni obi. Kafɔɔ ɔnyɔɔfa wɔ di ɔsanko wɔ baakaale kaafaabi baatɔɔ ni lalofo ni nnwɔɔ yi, aale lεkyesaa le di Yaa labue aate ni ale, abata ma ni di obe wɔ di ɔsa ku ɔsɔfɔ anu ditasintika ale baakple manlofo nii.

²⁴ Lεsaa tekete kplε ninle lεsaa le mmle. Basanko banyo ba mmle n-ye bεeta kanya ninii kofole ku kafole. Nioso babi ba di kufiofa lenii ni fe balanle yi, mma ninle Hagar babi ne. Diotuo

ni Yaa kanya ninii le aanii ni ku batii di Sinai kobokote osi. ²⁵ Hagar nwu nte fe Sinai kobokote di Arabia kasə. Nnwɔcɔ ninle mie Yerusalem okpoo wɔ ninte ni, di kame ni nwu basiete bamuu lekple ni balanle ne. ²⁶ Kafɔɔ Yerusalem okpoo wɔ ninkpe ni di osi nwu yi, suoto leyccɔ okpoo kule, nwu ninle yaawo ne. ²⁷ Diekye Kɔkpana Klekle Kukū lebuε ale,

“Afɔ ɔlema, nya suoto leyccɔ!

Faa osie kanya, faanya suoto leyccɔ,
afɔ ɔsanko wɔ ninayilofo ni diidii.

Diekye ɔsanko wɔ di ɔsa nɔcɔ lediki nwɔ ni atoko,
babì nɔcɔ mapɔ manlenkee ɔsanko wɔ di ɔsa
nɔcɔ nkpe nwɔ ni di ɔkye obe lele.”

²⁸ Babiloo, kanunua yi, aye Yaa babi nfe bile fe Isak, diefe ni di ɔlaa wɔ di Yaa labue aatɛ ni kanya. ²⁹ Di obe nwu kame, obi wɔ baalofo ni fe mmle di ɔsanko ku osuɔtɔ nlofo ni lakple lo aata nwɔ baalofo diafe ni di Yaa Ninwuna kame. Nkpo nwu dite bia mie ne. ³⁰ Kafɔɔ be di Kɔkpana Klekle Kukū lebuε? Kuobue ale, “Tososa ɔlanle ɔsanko nwu ku obi baasifi, diekye ɔlanle ɔsanko obi nnaa kalekɔ kukanwii di ote assaa kame ale, baase manko kafaabi ɔsanko obi.” ³¹ Nioso, babiloo, awo yi, buoole ɔlanle ɔsanko babi, kafɔɔ kafaabi ɔsanko babi bule.

5

*Bilolaa Suoto Osieko Wɔ Bitccɔwe Ni Di Kristo
Kame Biklee.*

¹ Suoto leyccɔ ɔnya oso di Kristo lediki wo. Nioso biyila kpinkpī, bitanta kuonwii osuku anyinka ye aakplesa yeaabla balanle diidii.

² Binu lo! Ami, Paulo, kɔtɔkɔ ye nle, nse bieta osuku beebudi ye asɔkɔsɔkɔ ni kasɔ ninle ale Kristo diesinle lesalesaa di anu lee saa. ³ Kokple ntɔkɔ ye klekle nle, otii lele nieta osuku beebudi nwɔ lesɔkɔsɔkɔ yi, ni dikpe nii ale anle kufiofa nwu kumu. ⁴ Aye ba nikonyu bile bibate ni tinini di Yaa anu ta biele ni kufiofa nwu oso, bitofo bile bitɔɔbla suoto lee di Kristo. Ni biesinsi di Yaa sibuale nwu nkpo kame nɛ. ⁵ Kafɔɔ awo yi, bukpe osuku onyu bulɛ, Yaa mabla wo munte tinini di anu nɔɔ. Ta ofū onu wɔ ninkpe wo ni diefe ni di Yaa Ninwuna osie kame oso. ⁶ Nse buɔbla onwii ku Kristo Yesu, ni kunte beebudi fɔ ee baabudi fɔ lesɔkɔsɔkɔ diebla lesalesaa. Lesaa le niefi ni nwaa ninle ale, buabɔmbɔ bawo di ofū onu kame.

⁷ Obe nwu biatookpee okyiini fie. Kafɔɔ owe nietii ye osuku ale bitankycɔ atoko bianu ɔlaa biene nwu? ⁸ Diele Yaa wɔ nielɛɛ ye ni nfū diekye. ⁹ Lenyankasaa keɛkeɛ ninta mmole ntaka. ¹⁰ Lefū lenu nle Saate omu mata ale bilabafū otii kuonwii disibu, diediki lele mi lete. Kafɔɔ nse otii owo kɔkpɔkpɔtɔsa ye disibu, kunte be okle otii ale, Yaa mananfi nwɔ kootoko. ¹¹ Babiloo, nse fe okplekokple mbue ntɔkɔ batii nle lesɔkɔsɔkɔ obudi lefī, ni se be oso baatii kɔkpɛkoe? Nse fe nkpo kute, ni se Kristo kukpi di kowoso suoto ɔlaa wɔ lɛkya koyie ni dilabale dibuo saa dita otii kuonwii. ¹² Batii ba nikɔkpɔkpɔtɔsa ye ni disibu mmle okle, komie nle mma bale katū basɔ balaata suoto lɛma kuoloo!

¹³ Babiloo, ɔlɛɛ di Yaa lɛlɛɛ ye ale biasieko suoto. Kafɔɔ bitanta suoto osiɛko wɔ mmle lata

ye osuku biatɔɔbla sikpile di suoto sina ɔkɔnsɔ aklesaa suoto. Kafɔɔ bikyakaako bawo lee ku lebɔmbɔ. ¹⁴ Diekye kufiofa kumuu lɛsɔdiki nimu ninle ale, "Bɔmbɔ owo lefɔ fe suoto lefɔ simu." ¹⁵ Kafɔɔ nse biɔbla bawo amumu fe babɔkɛs ba ninkpe ni kobe, ni bilolaa binyu nwaa, se dilenkpo, bibawɔɔsa bawo.

Kase Nsi Di Yaa Ninwuna Ku Otii Letembi Ntεε Kame.

¹⁶ ɔlaa wɔ kɔtɔkɔ ye ni ninle ale, bita Yaa Ninwuna dileko ye katũ di nkpa lee disiebi kame, mmle okle di suoto sina ɔkɔnsɔ akleesaa dilaalenkee ye ni. ¹⁷ Diekye suoto sina ɔkɔnsɔ akleesaa ntaka an-yila di Ninwuna ale suoto. Nkpo nwu kafɔɔ di asaa ya Niinwuna kafɔɔ komie ni ntaka an-yila di suoto ɔkɔnsɔ akleesaa suoto ne. Asaa ya mmle anyɔ lekple balo εeta bawo, nioso bilaafuo lɛsaa le niesiɛko ye ni ɔbla. ¹⁸ Nioso nse Ninwuna ninleko ye katũ, ni biesie kuufiofa nwu kalɔ.

¹⁹ Asaa ya di suoto sina ɔkɔnsɔ akleesaa mbla ni ndiki suoto kayi antuo klekle. Asaa nwu ninle, lɛsɔnɔkpee, ayududusaa ku atiipesaa ɔbla, ²⁰ afiɔ ɔtɔ, sɛsɛɛ, katii kyidi, kalɔ, sɛsɔfɔwo ɔkpɛ, ablɔmpɛ ɔnya, onumbɛbɛɛ, batii ntɛɛ ɔblasa ku selaa ɔnanfi, ²¹ onunseɛ, letansie, atumpe ku asaa bamba ya niedie ni n-ya mmle okle ɔbla. Kokple nta ye letofo, fe mmle ntoyita ye bietofo ni kofokofoko nlɛ, batii ba nimbla ni asaa ya mmle okle dilabawɛ kalekɔ di Yaa sekə kalekɔ kame diidi.

²² Kafɔɔ asaa ya Niinwuna mbla ni ninle lebɔmbɔ, suoto լeyɔɔ, atoko ɔkyɛ ole, suoto ɔtɛ

kaasø, sifutule, dibiene ɔbla, asaa ɔbla di osuku kanya, ²³ suoto kasø ɔwakosa ku suoto omufū oklee. Kufiofa dietii asaa ya mmle okle kuninwii osuku. ²⁴ Batii ba ninle ni Kristo Yesu bale mma, batçoyø suoto sina ɔkɔnsø akleesaa lema nwu ku sikpile simuu bɛekaasa di kowoso suoto ku Kristo. ²⁵ Ni nse Ninwuna oso bukpe nkpa, ni bita busie nkpa be okle Niinwuna nwu komie ni. ²⁶ Bitanta buatakatesa suoto loo katoo ee buatookpee bawo ɔblø ee buatɔɔkprøko bawo ku onunsæ.

6

Bita Bawo Lekyakaako Diibuo Lee Kame.

¹ Babiloo, nse otii owo kaame lee lεbla okpile yi, ni aye ba di Yaa Ninwuna nsi ni kaame, bikpee okyiini biɛtε suoto buεε bilolaa nwø. Kafɔɔ bilolaa suoto lee binyu nwaa bile, aye bamu biɛlaabla okpile nwu okle. ² Bikyakaako bawo diibuo kame. Nse biɔbla nkpo, ni biolle Kristo kufiofa nwu nkpo ne. ³ Ni se otii owo lenyu suoto nɔɔ alε ale lesaa lewo kafɔɔ aale lesalesaa yi, ni otii nwu suoto nɔɔ ɔɔkyɔnkyø. ⁴ Otii biala asɔ suoto nɔɔ anyu di ɔsaabla nɔɔ kame. Nse dile, ni abafuo ɔkanta di nle εεbla ni suoto. Kafɔɔ atan-yø suoto nɔɔ akaatεesa ku otii bamba nle εεbla ni suoto. ⁵ Diekye otii biala matuka nnwɔɔ omu nɔɔ atoo.

⁶ Otii wø bootuo ni asaa di Yaa ɔlaa kame yi, dikpe ni εεsεko asaa biene ya amuu ninkpe nwø ni ku saatuotε nɔɔ.

⁷ Bitakyɔnkyø suoto lee, diekye kuonwii di-laafuo Yaa ɔkyɔnkyø. Diekye lesaa le di otii lepε

nii, nni antεse ne. ⁸ Nse fεεpe suoto sina kame okonsɔ akleesaa abi yi, ni kukpi abi fabatεse. Kafɔɔ nse fεεpe Ninwuna kame abiesaa abi yi, ni nkpa be ninnaa ni kaloo diidii abi fabatεse. ⁹ Bitanta nnεe lafee wo di dibiene ɔbla kame. Diekye nse nnεe diefee wo yi, ni obe wɔ nikɔwa ni kame bubatεse ni abi. ¹⁰ Nioso bita butɔɔbla dibiene butɔɔta otii biala, ni mmle kanya buçwε ni osuku. Kyenkye mba ninle wo ni babilema di Kristo ofū onu kame.

Lesaa Le Nfe Buonyu Osuku Munta Ni Ninle Nkpa Fole Osie.

¹¹ Binyu akpanasaa akple ya di ami omu layɔ konee nii lakpana lakyesee ye ni.

¹² Batii ba nikomie ale baabuo ni batii anu nikokpee ye kubue ale dikpe nii mambudi ye asɔkɔsɔkɔ. Bɔɔbla nkpo ta mmle manamawε ni ditikanko di Kristo kukpi di kowoso suoto oso. ¹³ Bia batii ba beebudi ni asɔkɔsɔkɔ bamu diloole kufiofa nwu. Kafɔɔ lesaa le ko baatii nwu komie ni ninle ale bɔɔkanta di suoto lee mambue ale, bia aye bamu biɛwakosa suoto kasɔ bisi di kufiofa lema nwu kalo. Nioso bieta beebudi ye asɔkɔsɔkɔ ne. ¹⁴ Kafɔɔ Yaa akyakakoe ale, namakanta di lesalesaa suoto dilenkee Saate Yesu Kristo kukpi di kowoso suoto lete. Diefe ni kuukpi nɔɔ suoto di kowoso suoto yi, kayi ka mmle diesindie mi lesalesaa, ami kafɔɔ nisindie lesalesaa nta kayi. ¹⁵ Nioso beebudi fɔ lesɔkɔsɔkɔ woo, baabudi fɔ lesɔkɔsɔkɔ woo, nni nkpo diefī, kafɔɔ nle niefī ni ninle nkpa fole disiebi. ¹⁶ Kafɔɔ batii ba ninkyε ni di osuku wɔ mmle suoto di nkpa lema kame yi, atoko ɔkye ole ku Yaa sibuale disieko ma, ku Yaa batii bamuu.

¹⁷ Diεyɔ ni kaanunua diesifi nii, otii kuonwii ataasinkpee mi kubue kukunwii. Diekye apa ya nintika mi ni di suoto kotuo ale Yesu kpemblate nle.

¹⁸ Babiloo, kotikiti lekoto nle Saate Yesu Kristo ale ye sibuale, aakpee ye osie. Diwa kaanya.

Yaa Kanya Ninii Føle Selεε

Selεε: Yaa Kanya Ninii Føle Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6